

Uunga siunnersuut:

**Illunut sanaqataaffiusunut taarsigassarsiat pillugit Inatsisartut inatsisaata
allanngortinneqarnera pillugu Inatsisartut inatsisaat**

(Illunut sanaqataaffiusunut kommunimit taarsigassarsiat, illunillu sanaqataaffiusunik il.il.
aserfallatsaaliuinissamut, nutarterinissamullu taarsigassarsiat tapiissutilu)

§ 1

Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersumi tulliuttut allanngutigineqassapput:

1. § 1-imi imm. 3-tut ilanngunneqassaaq:

” *Imm. 3. Sumiiffinni nunalerinermut atugassiaasuni illunik sanaqataaffiusunik sanaartornissamut, pissarsinissamulluunniit taarsigassarsisitsisoqarsinnaavoq, illu sanaqataaffiusoq ukunannga najugaqarfiusappat:*

- 1) *nunalerisinnaanermut akuersisummit pigisaqartumit, imaluunniit*
- 2) *inunnit ingerlatsinermik isumaginnittunit.”*

2. § 7, imm. 3 ima oqaasertalerneqassaaq:

” *Imm. 3. Kommunalbestyrelsi taamaallaat illunik sanaqataaffiusunik qanoq ittuunerinik akuerisanik sananermut pissarsinermulluunniit taarsigassarsisitsisinnaavoq, tak. § 35. Qanoq ittuuneranik akuerisaasumi sanaartoqataasumit ikiortinnermut aalajangersagaq malillugu taarsigassarsisup ikiortinnissaa, taarsigassarsisitsinissami piumasaqataavoq.”*

3. § 8 ima oqaasertalerneqassaaq:

” **§ 8.** *Kommunalbestyrelsi § 7, imm. 1 malillugu illumik nutaamik sanaqateqarnermi ikkussugassat pisarneq naapertorlugu aaqqissuunneqarsimasunik sumiiffimilu ikkussugassatut tunniunneqarsimasunik pissarsinermut aningaasartuutinut uppernarsarneqarsimasunut taarsigassarsisitsisinnaavoq.*

Imm. 2. Kommunalbestyrelsi § 7, imm. 2 malillugu illuni sanaqataaffiusuni pioreersuni suli naammassillugu sanaartorneqanngitsuni sumiiffimmi saniatigut atortussanik pisariaqartunik tunniunneqarsimasunik pissarsinermut aningaasartuutinut uppernarsarneqarsimasunut taarsigassarsisitsisinnaavoq.

Imm. 3. Kommunalbestyrelsi § 7 malillugu sanaartorfigissaanermut, toqqavissap pilersaarusiорнеранут sanaartorneanullu, sanaartoqataasumit ikiortinnermut aamma ilitsersuisumit ikiortinnermut, innaallagissap, erngup imaluunniit kiassarnerup aqquaasa ikkussornerinut kiisalu innaallagissap erngullu aqquaannut, kuuffissuarnullu attavilernissamut pisortat piumasaqarnerinut aningaasartuutinut uppernarsarneqarsimasunut taarsigassarsisitsisinnaavoq.

Imm. 4. Piffissaliussat, illunullu sanaqataaffiusunut taarsigassarsitinneqarnissamik

qinnuteqartunut kommunit ikorsiisarnerat pillugit, Naalakkersuisut paasissutissanik ilassutaasussanik piniartarneq pillugu maleruagassanik aalajangersaasinnaapput.”

4. § 9 ima oqaasertalerneqassaaq:

” **§ 9.** § 7 malillugu kommunalbestyrelsip taarsigassarsiissutigisai, tak. § 8, ukiuni 20-ni amerlaqatigiinnik akilersugassanngorlugit taarsigassarsiissutigineqassapput. Nationalbankip erniaritittagai 3%-pointimik ilallugit taarsigassarsiissutit ernialersorneqassapput. Illup sanaqataaffiusup atulernissaanut akuersissutip ulluanit erniaq aalajangersarneqassaaq, taarsigassarsiallu ukiut taarsorsorneqarfissaanni atuulluni.

Imm. 2. Taarsigassarsiissutit ernialersorneqassapput, qaammatillu tamaasa aalajangersimasumik akiliuteqartarnikkut akilersorneqassallutik, qaammammut qaangiuttumut qaammatit aallartinnerini ullormi siullermi, taamaattoq tak. imm. 3.

Imm. 3. Taarsigassarsianut siullermeertumik akiliutigineqartussaq, illumut sanaqataaffiusumut atuilernissamik akuersissutip tunniunneranit ukiumi tulliuttumi februaarip aallaqqataani siullermeertumik akilerneqassaaq.”

5. § 10 ima oqaasertalerneqassaaq:

” **§ 10.** Taarsigassarsisup, taassumalu inoqutaasa piffissami pineqartumi isertitaat tamarmiusut ukiut tamaasa januaarip aallaqqaataani naatsorsorneqartut tunngavigalugit, qaammatini tulliuttuni aqqaneq-marluusuni qaammammut akiliutigineqartartussaq, tak. § 9, imm. 2, naatsorsorneqassaaq. Siullermeertumik illumut sanaqataaffiusumut atuilernissamik akuersissutip tunniunneranit ukiumi tulliuttumi januaarip aallaqqaataani.

Imm. 2. Taarsigassarsisup, taassumalu inoqutaasa piffissami pineqartumi isertitaat tamarmiusut 300.000 koruunit sinnersimatillugit, taamaattoq tak. imm. 1, isertitaasa 35 %-iisa nalinganik ukiumut tamarmiusumik akiliutissat ilaannik taarsigassarsisoq akiliuteqassaaq, taamaattoq annerpaamik ukiumut tamarmiusumik akiliutissaq. Ukiumut tamarmiusumik akiliutissaq taarsigassarsisumit akilerneqanngitsoq nalikillilerneqassaaq.”

6. § 10 kingorna ilanngunneqassaaq:

” **§ 10 a.** Kommunalbestyrelsimit taarsigassarsiat § 7 malillugu aningaasartuutit uppernarsarneqartut tamarmiusut 100 procentii tikillugit annertussuseqarsinnaapput, tak. § 8, nammineq akiliutit ilanngaatigalugit, tak. imm. 2.

Imm. 2. § 7 malillugu taarsigassarsitinneqarnissamik siumut neriorsuuteqarnissami, tak. § 8, qinnuteqartup 25.000 koruunik nammineerluni akiliutissaminik communalbestyrelsimit akiliuteqarnissaa piumasaqataavoq. Taarsigassarsitinneqarnissamik siumut neriorsuummik qinnuteqartup akuersinera ilutigalugu, nammineq akiliutissat communalbestyrelsimit akiliutigineqassapput.

§ 10 b. Inatsisartut inatsisaat manna naapertorlugu illunut sanaqataaffiusunut taarsigassarsiarititanut akilersuutit akilerneqarsimasut, illunik sanaqataaffiusunik pilersaarutaasumik aserfallatsaaliuinissamut, nutarternissamullu kommunip taarsigassarsiissutissatut imaluunniit tapiissutissatut agguagassaanut nuunneqassapput.

§ 10 c. Illut sanaqataaffiusut aningaasalersorneqarnissaat pillugu Inatsisartut inatsisaat manna imaluunniit siusinnerusukkut inatsit naapertorlugu illut sanaqataaffiusut taarsigassarsiffigineqarsimallutik taarsersugassartai suli taarsersorneqartut pilersaarutaasumik aserfallatsaaliornissaannut, nutarternissaannullu kommunalbestyrelsi taarsigassarsisitsisinnaavoq imaluunniit tapiissuteqarsinnaavoq.

Imm. 2. Taarsigassarsisitsinssamik siumut neriorsuisoqartinnagu pituttuismik sanaartornissamut isumaqatigiissuteqarfioresimangitsunut imaluunniit sanaartornernut aallartinneqareersimangitsunut sulianut, tunniussanullu taamaallaat taarsigassarsisitsisoqarsinnaavoq imaluunniit tapiissuteqartoqarsinnaavoq.

Imm. 3. Kommunalbestyrelsi imm. 1 malillugu taarsigassarsisitsisimatilluni, inissianik aserfallatsaaliuinissamut nutarterinissamullu pisortat ikorsiissuteqartarnerat, tapiissuteqartarnerat imaluunniit aningaasalersuisarnerat pillgit inatsit alla malillugu ilutigisaanik taarsigassarsisitsisinnaanngilaq imaluunniit tapiissuteqarsinnaanngilaq.

Imm. 4. Suliat sularineqarsimanerinut imaluunniit tunniussassat tunniunneqarsimanerinut uppernarsaammik takutitsinikkut taarsigassarsiat imaluunniit tapiissutit sulisartumut pineqartumut akilerneqassapput.

Imm. 5. Illunik sanaqataaffiusunik pilersaarutaasumik aserfallatsaaliuinissamut, nutarterinissamullu kommunalbestyrelsip taarsigassarsisitsinssaanut imaluunniit tapiissuteqarnissaanut Naalakkersuisut malittarisassanik aalajangersaasinnaapput

§ 10 d. Taarsigassarsitinneqartup, taassumalu inoqutaasa piffissami tapiissutit aningaasaliiffigineqarnerini piffissami pineqartumi isertitai tamarmiusut 300.000 koruunit sinnersimanngippagit aatsaat tapiissuteqartoqarsinnaavoq.

§ 10 e. 100.000 koruunit tikillugit taarsigassarsisitsisoqarsinnaavoq.
Taarsigassarsiaritinneqartut tamakkerlugit akilerneqarsimatillugit, taarsigassarsitinneqarnissamik qinnuteqaqqittooqarsinnaavoq. Taarsigassarsiat ukiuni 15-ini akilersugassanngorlugit amerlaqatigiinnik akilersugassaallutik taarsigassariissutigineqassapput. Nationalbankip erniaritittagai 3%-pointimik ilallugit taarsigassariissutit ernialersorneqassapput. Taarsigassarsiat ullormi tunniunneqarfiisa ulluanit erniaq aalajangersarneqassaaq.”

7. § 11 ima oqaasertalerneqassaaq:

” **§ 11.** § 7 malillugu kommunalbestyrelsimit taarsigassarsiat, tak. § 8, § 7 malillugu taarsigassarsiatigut aningaasalersorneqaratik taarsigassarsiffiusinnaallutik aningaasartuutit tamarmiusut taarsigassarsisup nammineerluni aningaasalersorpagit, tak. § 8, aningaasalersorsimaneranullu uppernarsaammik takutitsineratigut aatsaat taarsigassariissutigisinnaapput.

Imm. 2. § 7 malillugu kommunalbestyrelsip taarsigassarsisitsinssamut siumut neriorsuutanut, tak. § 8, piumasaqaataasinnaavoq, § 7 malillugu taarsigassarsiatigut aningaasalersorneqaratik taarsigassarsiffiusinnaallutik aningaasartuutit tamarmiusut

aninkaasalorsorneqarnissaannut taarsigassarsisup kommunalbestyrelsimit aningaaserivimmi qularnaveeqqusiinissaa, tak. § 8.”

8. § 12 ima oqaasertalerneqassaaq:

” **§ 12.** § 7 malillugu taarsigassarsiatigut aninkaasalorsorneqaratik taarsigassarsiffiusinnaallutik aningaasartuutit tamarmiusut aninkaasalorsorneqarnissaannut taarsigassarsisup taarsigassarsiarisinnaasai, tak. § 8, illu sanaqataaffiusoq qularnaveeqqusiullugu qulakkeerneqarsinnaapput.

Imm. 2. Kommunalbestyrelsimit taarsigassarsiat illumi sanaqataaffiusumi qularnaveeqqusiisoqarneratigut isumannaarneqassapput.

Imm. 3. § 7 malillugu taarsigassarsiatigut aninkaasalorsorneqaratik taarsigassarsiffiusinnaallutik aningaasartuutinut tamarmiusunut taarsigassarsisup aningaasalersuinissaanut, illu sanaqataaffiusoq qularnaveeqqusiullugu taarsigassarsiissutigineqarsimasut, kommunalbestyrelsimit taarsigassarsiat ataqqissavaat, tak. § 8.

Imm. 4. Kommunalbestyrelsip taarsigassarsiarititai illumi sanaqataaffiusumi qaffatsinneqarlutik qularnaveeqqutaassapput.”

9. § 15, imm. 4 ima oqaasertalerneqassaaq:

” *Imm. 4.* Illumut sanaqataaffiusumut piginnittussaatitaaneq taarsigassarsitinneqartumut tunniunneqarsinnaanngippat, taarsigassarsisup nammineerluni akiliutigisai 25.000 koruuniusut, illumillu sanaqataaffiusumik sanaartornermi imaluunniit tigusinermi taarsigassarsiffiusinnaallutik aningaasartuutini tamarmiusuni taarsigassarsisup aningaasartuutigisimasai, § 7 malillugu taarsigassarsiatigut aninkaasalorsorneqanngitsut, kommunalbestyrelsip utertissavai, tak. § 8.”

10. § 23-mi, imm. 1-imi nr. 1-ip siorna normu 1-itut nutaatut ilanngunneqassaaq:

”1) Taarsigassarsiat erniaat akilersuutillu akilerneqanngippata, illuummilu qularnaveeqqusiussaqarluni taarsigassarsinermi allagartaq malillugu ernianik akilersuutinillu akilersuisarneq pillugu malittarisassat naapertorlugit ernianut, akilersuutinullu akiitsut piffissarititaasup qaangiutinnginnerani taarsigassarsisup aklersimanngippagut, tak. lov for Grønland om pant (qularnaveeqqusiineq pillugu Kalaallit Nunaannut inatsit).”

Taassuma kingorna nr. 1-8, 2-9-nngussapput.

11. § 27-p kingorna qulequttap *Taarsigassarsinissamut qinnuteqarneq*-rup ataani ilanngunneqassaaq:

” **§ 27 a.** Illumik sanaqataaffiusumik nutaamik sanaartornissamut imaluunniit pissarsinissamut taarsigassarsitinneqarnissamut kommunalbestyrelsi tamanut ammasumik qinnuteqaqqusissaaq. Tamanut ammasumik qinnuteqaqqusineq marsip aallaqqaataanut piffissalerlugu, ukiumut ataasiartumik januaarimi pisassaaq. Illassutitut aningaasaliinermi, qinnuteqarnissamut naammaginartumik piffissaliilluni tamanut ammasumik nutaamik

qinnuteqaqqusisoqassaaq.

Imm. 2. Qinnuteqaatit tiguneqartut suliarineqarnerini, tak. imm. 1, akuerisaallutik qinnuteqartut illutaarnissaminnut pisariaqartitsinerpaasut, inissaminnillu periarfissatut tunineqarnissaminnut periarfissaqanngitsut salliunneqassapput.

Imm. 3. Qinnuteqaatit tiguneqarsimasut suliarineqareerlutik aalajangiiffigineqarnerisa kingorna aningaasaliissutinik atunngitsuugaqassappat, tak. imm. 1, kingusinnerusukkut qinnuteqaatit tiguneri malillugit qinnuteqaatit suliarineqassapput.

Imm. 4. Qinnuteqartut illutaarnissaminnut pisariaqartitsinerisa, periarfissatullu inissiamik pilersornissaminnut periarfissaasa imm. 2 malillugu nalilersorneqarnissaanni kommunalbestyrelsip suut eqqarsaatigisassatut pingaartissinnaanerai, pingaartitassaalu pillugit Naalakkersuisut aalajangersaasinnaapput.”

12. § 28, imm. 1 ima oqaasertalerneqassaaq:

” Illumik sanaqataaffiusumik sanaartornissamut imaluunniit pissarsinissamut taarsigassarsitinneqarnissamik qinnuteqaat allaganngorlugu kommunalbestyrelsimit nassiunneqassaaq.”

13. § 32 ima oqaasertalerneqassaaq:

” **§ 32.** Missiliuummik, ingerlatsinermilu missingersuummik qinnuteqartumit akuerisassangortitanik kommunalbestyrelsi saqqummiussissaaq. Matuma kingorna nammineq akiliutissat akilerneqarsimanerat, tak. § 10 a, imm. 2, aningaaserivimmit qularnaveeqqusiussaasinnaasoq, tak. § 11, imm. 2 aamma akiliutaasinnaasut akilerneqarsimanerat, tak. § 25, apeqquataillugit taarsigassarsisitsinissamut siumut neriorsuummik kommunalbestyrelsi qinnuteqartumut nalunaaruteqassaaq.”

14. Kapitali 4-mi § 32-p kingorna ilanngunneqassaaq:

” **§ 32 a.** Ukiumut naatsorsuusiornermi kommunalbestyrelsip paasissutissat ukua ilanngutissavai:

- 1) Ukumi naatsorsuusiorfiusumi taarsigassarsisitsinissamik siumut neriorsuutit amerlassusaat.
- 2) Taarsigassarsisitsinissamik siumut neriorsuutit atuuttut amerlassusaat.
- 3) Taarsigassarsisitsinissamik siumut neriorsuutit ukumi naatsorsuusiorfiusumi naammassisimasut amerlassusaat.
- 4) Ukumi naatsorsuusiorfiusumi aningaasaliissutinik tamarmiusunik atuineq.

Imm. 2. Paasissutissat sumiiffinnut agguataarneqassapput.

Imm. 3. Kommunalbestyrelsip ukiumut naatsorsuutinik saqqummiussinerata kingusinnerpaamik ilutigisaanik paasissutissat Naalakkersuisunut nassiunneqassapput.”

15. § 33, imm. 2 ima oqaasertalerneqassaaq:

” *Imm. 2.* Sanaartorfigissaanermut, toqqavissap pilersaarusrorneranut sanaartorneranullu, illumut suliarineqanngitsumut aamma innaallagissamut, imermut, kiassarnermullu ikkussuinermut kiisalu ilitsersuisumit ikiorserneqarnermut taarsigassarsiissuit, suliat

suliarineqarsimanerinut uppernarsaammik takutitsinikkut sulisartumut pineqartumut akilerneqassapput.”

16. § 35, imm. 1 ima oqaasertalerneqassaaq:

” Ukiutik ataatsimik sivisussusilimmik atuuttussamik illup sanaqataaffiusup qanoq ittuuneranik Naalakkersuisut akuersissuteqartassapput. Ilusilersorneqarnissaanut, atorneqarnissaanut, teknikikkullu atortulersuutinut kiisalu sanaqateqarnissamut Naalakkersuisut piumasaqaasiorsinnaapput.”

§ 2

Inatsisartut inatsisaat manna ulloq 1. Juni 2024 atuutilissaq.

Imm. 2. Inatsisartut inatsisaata matumap atuutilernissaa sioqqullugu illunut sanaqataaffiusunut taarsigassarsiarititat, taarsigassarsisitsinissamillu siumut neriorsuutit piumasaqaataat allanngortinnagit ingerlaqqiinnassapput.

Imm. 3. Inatsisartut inatsisaata atuutilernissaa sioqqullugu malittarisassat atuuttut naapertorlugit qinnuteqartut taarsigassarsitinneqarnissaminnik siumut neriorsorneqarsimasut, communalbestyrelsimut qinnuteqarnermikkut inatsisartut inatsisaanni matumani malittarisassat naapertorlugit taarsigassarsitinneqarnissaminnik nutaatut siumut neriorsorneqarsinnaapput.

Imm. 4. Taarsigassarsitinneqarnissamik siumut neriorsuummiik nutaamik tunineqarnissamik qinnuteqaat communalbestyrelsip itigartissinnaavaa, tak. imm. 3, taarsigassarsitinneqarnissamik siumut neriorsuut tunngavigalugu inatsisitigut pituttorsimasumik aalajangersaasoqarsimappat imaluunniit nutaamik siumut neriorsuuteqarnissamut atatillugu aningaasartuuteqarnerunissamut aningaasaliissutitigut matussutissaqaanngippat.

Kalaallit Nunaanni Namminersorlutik Oqartussat, ulloq xx. xxx 2024

Múte Bourup Egede
Naalakkersuisut Siulittaasuat